

आकाशवाणी

खबरां शिवि सूरी कोला

1. जी-7 नेताएं वैश्विक स्थिरता, सुरक्षा सहयोग ते अंतरराष्ट्री संगठित अपराध दा मुकाबला करने दे प्रयासें पर केंद्रित केई घोशणाएं गी अपनाया।
2. प्रधानमंत्री नरेंद्र मोदी होर फ्रांस दे एवियन च समावेशी ते सतत आर्थिक विकास पर जी-7 दे कार्य सत्र च शामिल होए।
3. प्रधानमंत्री नरेंद्र मोदी होरें फ्रांस च जी-7 शिखर सम्मेलन दरान जर्मन चांसलर फ्रेडरिक मर्ज हुंदे कन्नै दपक्खी बैठक कीती।
4. रक्षा मंत्री राजनाथ सिंह होरें आखेआ जे भारत दी संप्रभुता पर कोई समझौता नेई कीता जाई सकदा, उनें आतंकवाद खलाफ निर्णायक कार्रवाई दे रूप च सर्जिकल स्ट्राइक, बालाकोट ते आपेशन सिंदूर दी मिसाल दिती।
5. माली बरे 2025-26 च भारत दा रक्षा उत्पादन रिकार्ड 1.78 लक्ख करोड़ रपे धोड़ी पुज्जी गेआ।
6. सुरक्षाबलें समूलचे मणिपुर च प्रवर्तन ते आतंकवाद बरोधी अभियान तेज करी दिते न, त्रै उग्रवादी गिरफ्तार, 26 अवैध बंकर नष्ट कीते गए।

<><><><><><>

जी-7 नेताएं नै वैश्विक स्थिरता, सुरक्षा सहयोग ते अंतरराष्ट्री संगठित अपराधें थमां निब्बड़ने दे प्रयासें पर केंद्रित केई घोशणाएं गी अपनाया ऐ। अपने बयान च नेताएं अमरीका ते ईरान बश्कार होए दे शांति समझौते दा सुआगत कीता। नेताएं इसी क्षेत्रीय तनाव घट्ट करने ते ईरान गी परमाणु थेआर हासल करने थमां रोकने दा इक महत्वपूर्ण मौका दस्सेआ। उनें स्ट्रेट आफ होर्मुज थमां सुरक्षित नौवहन गतिविधियें दे महत्व दा बी जिक्र कीता। इक होर घोशणा च जी-7 नेताएं नशीले पदार्थें दी तस्करी दे खलाफ कार्रवाई तेज करने दा संकल्प लैता ते इसी राश्ट्रीय सुरक्षा, सार्वजनिक स्वास्थ्य ते आर्थिक स्थिरता लेई बाद्दा, खतरा दस्सेआ। सहयोगी देशें ब्राजील ते दक्खन कोरिया नै बी इस पैहल दा समर्थन कीता ऐ। नेताएं ज्ञान कौशल गी बढाने ते तस्करी गी रोकने लेई जी-7 प्लस पोर्ट्स नेटवर्क दा प्रस्ताव बी रक्खेआ ऐ।

<><><><><><><>

PM G 7 Day 2

प्रधानमंत्री नरेंद्र मोदी होरें फ्रांस दे एवियान च जी-7 शिखर सम्मेलन च इक्क महत्वपूर्ण कार्य सत्र गी संबोधित करदे होई आखेआ जे अंतरराष्ट्री वित्तीय संस्थाएं गी ऐसे तंत्र विकसित करने लोड़चदे न जेडत्रे विकासशील देशें गी आर्थिक मजबूती प्रदान करै। सत्र दा विशे हा सब्बनें लेई संतुलित, समावेशी ते सतत आर्थिक वृद्धि गी बढावा देना। उनें अफ्रीका, लातिन अमरीका ते प्रशांत द्वीप देशें गी जोड़ने आहली संपर्क परियोजनाएं दा बी प्रस्ताव रक्खेआ। श्री मोदी होरें संपर्क ते बपार च तेजी आहनने लेई अंतरराष्ट्री आओजाई भागीदारी तैयारी करने दा बी सुझा दिता। एहदे तैहज जी-7 देशें दी पूंजी, भारती प्रतिभाएं ते ग्लोबल साथ दे देशें गी इक मंच पर आहननेआ जाई सकग।

<><><><><><>

Shah 12 Years

गृह मंत्री अमित शाह होरें आखेआ जे प्रधानमंत्री नरेंद्र मोदी हुंदे नेतृत्व आहली सरकार तैहत पिछले 12 बरें च भारत गी सुरक्षा दे इक्क ऐसे गढ़ दे रूपै च पुनर्निर्मित कीता गेआ ऐ जेड़ा नागरिकें दी रक्षा करदा ऐ ते अपने दुश्मनै पर विनाशकारी प्रहार करदा ऐ। सोशल मीडिया च शाह होरें इस गल्ला पर जोर दिता जे भाएं बन्ने पर दुश्मनै गी सर्जिकल स्ट्राइक, ब्हाई हमले ते आपरेशन सिंदूर दी मारक क्षमता गितै जवाब देने होन, अनुच्छेद 370 गी खत्म करना, नक्सलवाद दा खात्मा करना होऐ, पूर्वोत्तर च 12 शा मते समझौते कन्नै आंतरिक्ष सुरक्षा गी मजबूत करना ऐ।

<><><><><><>

PM-Germany

किश समें पैहले फ्रांस दे एवियन च जी-7 शिखर सम्मेलन दरान प्रधानमंत्री नरेंद्र मोदी होरें जर्मन चांसलर फ्रेडरिक मर्ज कन्नै इक्क महत्वपूर्ण दपक्खी बैठक कीती। सोशल मीडिया पर इक पोस्ट च प्रधानमंत्री होरें दस्सेआ जे सजर्मन चांसलर कन्नै उंदी गल्लबात बड़ी गै फलदायी रेही। उनें दस्सेआ जे दौनें नेताएं बपार, निवेश, अर्थबवस्था, रक्षा, आई.टी ते होरनें क्षेत्रें च सहयोग राएं दवक्खी सहयोग गी होर मजबूत करने दे तरीकें पर चर्चा कीती।

<><><><><><>

रक्षा मंत्री राजनाथ सिंह होरें आखेआ जे आतंकवाद गी कतई बर्दाश्त नेई करने दी नीति थमां लेइयै सर्जिकल स्ट्राइक, बालाकोट ते आपरेशन सिंदूर जनेई निर्णायक कार्रवाई धोड़ी भारत नै साफ संदेश दिता जे उंदी संप्रभुता पर कोई समझौता नेई कीता जाहग। इक सोशल मीडिया पोस्ट च श्री सिंह होरें आखेआ जे प्रधानमंत्री नरेंद्र मोदी हुंदे कुश नेतृत्व च भारत नै अपनी राश्ट्री सुरक्षा सरंचना च ऐतिहासिक बदलाव दिक्खेआ ऐ। उनें आखेआ जे पिछले 5 बरें दरान देश नै रक्षा क्षेत्र च केई महत्वपूर्ण उपलब्धियां हासल कीतियां न।

<><><><><><>

Env Yadav

केंद्री पर्यावरण वन ते जलवायु परिवर्तन मंत्री भूपेंद्र यादव होरें अज्ज आखेआ जे भारत नै 2030 धोड़ी 20 मिलियन हेक्टेयर धरती गी पुर्नस्थापित करने दे अपने लक्ष्य दे मकाबले पैहले गै 21.76 मिलियन हेक्टेयर धरती गी पुनस्थापित करने दे प्रयासें दे अंतर्गत आहनेआ ऐ। उनें एह गल्ल नमीं दिल्ली च विश्व मरुस्थलीकरण ते सौक्का निवारण दिवस 2026 दे मौके च आयोजित कार्यक्रम गी संबोधित करदे होई आक्खी। इस बरे दे आयोजन दा विशे चारागाह पंछानने, सम्मान करो, पुनस्थापित करो, पर बोलदे होई श्री यादव होरें भारत दे मरुस्थलीकरण ते धरती क्षरण एटलस दा हवाला दिता ते आखेआ जे देश दे भुगौलिक क्षेत्र दा कोई 29 फीसद हिस्सा भूमि क्षरण ते मरुस्थलीकरण थमां प्रभावित ऐ।

<><><><><><>

प्रधानमंत्री नरेंद्र मोदी होंरें आखेआ जे पिछले इक्क दाहके च भारत दी रक्षा क्षमताएं च आत्मनिर्भरता ते नवाचार, तकनीक ते स्वदेशी निर्माण दी सहायता करी महत्वपूर्ण बदलाव आए न। माई गोव दी इक पोस्ट गी अपने सोशल मीडिया प्लेटफार्म पर सांझा करदे होई प्रधानमंत्री होंरें आखेआ जे कियों भारत नै जल, थल ते गासै च उन्नत स्वदेशी तकनीकें दे बल पर अपनी रक्षा क्षमताएं गी मजबूत कीता ऐ। उनें आखेआ जे इस करी पिछले 12 बरें च भारत दी रक्षा क्षेत्र च होए दे बदलाव दी झलक स्पष्ट रूपे कन्ने लबदी ऐ।

<><><><><><>

Puchcherry-Cabinet

पुदुचेरी मंत्रिमंडल च अज्ज त्रै नमें मंत्रिएं गी शामिल कीता गेआ जिस करी मंत्री परिषद दा बहुप्रतीक्षित विस्तार पूरा होआ। अखिल भारती एन.आर कांग्रेस दे विधायक पी. रावेलु ते वी.पी शिवकोलुंधु ते बीजेपी विधायक एन.एस राजेशवरन होंरें लोक निवास च आयोजित समारोह च मंत्री पद दी सगंध लैती। राज्यपाल के. कैलाशनाथन होंरें पद ते राजदारी दी सगंध दोआई।

<><><><><><>

Defence Production

रक्षा मंत्री राजनाथ सिंह होंरें आखेआ जे माली बरे 2026-26 च भारत दा वार्षिक रक्षा उत्पादन हुनै धोड़ी दे उच्चतम स्तर 1 लख 78 जहार करोड़ रपे पर पुज्जी गेआ ऐ। इक सोशल मीडिया पोस्ट च श्री सिंह होंरें आखेआ जे एह उपलब्धि पिछले माली बरे दे 1 लख 54 जहार करोड़ रपे दे उत्पादन दी तुलना च 15 फीसद थमां मते दी प्रभावशाली वृद्धि ऐ।

<><><><><><>

Manipur-Ops.

मणिपुर च सुरक्षाबलें राज्य भरै च उग्रवाद विरोधी अभियान तेज करी दिते न। अधिकारिणें मूजब बक्ख-बक्ख अभियानें च त्रै उग्रवादिणें गी गिरफ्तार कीता गेआ ऐ ते 26 अवैध बंकर तबाह कीते गए न। गिरफ्तार कीते गेदे उग्रवादिणें दी पंछान प्रतिबंधित पीपुल्स लिबरेशन आर्मी ते ओहदे राजनीतिक विंग रिवोल्यूशनरी पीपुल्स फ्रंट दे सक्रिय सदस्ये दे तौर पर कीती गई ऐ। पुलसे आखेआ ऐ जे एह केई सारी हिंसा ते अपराधिक गतिविधिणें च शामिल हे।

<><><><><><>

Goyal-Monaco

वाणिज्य ते उद्योग मंत्री पीयूष गोयल होरें मोनाको दे शासक अलबर्ट द्वितीय कन्ने मुलाकात कीती। इक सोशल मीडिया पोस्ट च श्री गोयल होरें आखेआ जे इस दरान नवाचार ते उभरदी प्रौद्योगिकिये दे क्षेत्र च भारत मोनाको सांझेदारी गी अगगे बढ़ाने पर चर्चा होई। उने विश्वास प्रगट कीता जे भारत मोनाको संबंध औने आहले समें च होर मजबूत होंगन।

<><><><><><>

Vaishnav Electronics Expert

केंद्री इलेक्ट्रानिक्स ते सूचना प्रौद्योगिकी मंत्री अश्विनी वेश्णव होरें अज्ज आखेआ जे भारत इक्क प्रमुख इलेक्ट्रानिक्स विनिर्माण केंद्र दे रूप च उभरेआ ऐ ते हुन विश्व दा 6मां सबने शा बड़ा इलेक्ट्रानिक्स निर्यातक देश ऐ। पुणे दे रंजगांव एम.आई.डी.सी च अमरीकी कंपनी जैबल दी नमीं विनिर्माण इकाई दा उद्घाटन करने दे बाद बोलदे होइ

श्री वैशणव होरें आखेआ जे प्रधानमंत्री नरेंद्र मोदी हुंदे नेतृत्व च भारत इक्क वैश्विक इलेक्ट्रानिक्स विनिर्माण केंद्र दे रूप च विकसित होआ ऐ।

<><><><><><>

VAnde Bharat New Route

केंद्री रेल राज्यमंत्री रवनीत सिंह बिट्टू होरें अमृतसर श्री माता वैशणो देवी कटड़ा वंदे भारत एक्सप्रेस गी नमैं रस्ते राएं झंडी दस्सिए रवाना कीता। एह रेल गड्डी हुन गुरदास पुर ते बटाला राएं चलोग। एहदे कन्नै यात्रा दा समा घट्ट होग। एह रेल गड्डी दो पवित्र शहर अमृतसर ते श्री माता वैशणो देवी दे आधार शिविर कटड़ा गी आपूं'चै जोड़दी ऐ। एहदे राएं लोकें गी तेज, सुरक्षित ते मता अरामदायक यात्रा अनुभव हासल होग। इस सेवा कन्नै क्षेत्रीय राबता बढोग, सैलसफा गी बढावा थहोग ते खिते दे समाजी आर्थिक विकास गी बल हासिल होग।

<><><><><><>

Trump-Israel

अमरीकी राष्ट्रपति डानल्ड ट्रम्प होरें इजराइल दी हिज्बुल्लाह पर सैन्य कार्रवाई दी निंदेआ कीती ऐ। फ्रांस च चला'रदे जी-7 सम्मेलन दरान ट्रम्प होरें आखेआ ऐ जे एह संघर्ष बड़े लम्में चिरे थमां जारी ऐ ते एहदे च केई लोकें दी जान गई ऐ। उनें जइराइल दे प्रधानमंत्री बेन्यामिन नेतन्याहू हुंदे थमां सैन्य कारवाइएं दे संचालन च मती जिम्मेदारी बरतने लेई आखेआ।

<><><><><><>